БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўғрисида)

Боғот тумани

2024 йил 16 май

Боғот туманлараро иқтисодий судининг судьяси А.Н.Турақулов раислигида, судья ёрдамчиси У.Зариповнинг котиблигида, Хива туман фермер деҳқон ҳўжаликлари ва томорқа ер эгаллари Кенгашининг даъвогар — Хива туман "Хударган ота" фермер ҳўжалиги манфаатида, жавобгар — "KHIVA CLAUSTER" маъсулияти чекланган жамияти ҳисобидан 379 447 659 сўм асосий қарз, 91.067.400 сўм пеня ундириш тўғрисидаги даъво аризаси бўйича ишни очиқ суд мажлисида иш ҳужжатлари билан биргаликда кўриб чиқиб, қуйидагилар

АНИКЛАНДИ:

Хива туман фермер деҳқон ҳўжаликлари ва томорқа ер эгаллари Кенгашининг даъвогар — Хива туман "Хударган ота" фермер ҳўжалиги манфаатида, жавобгар — "KHIVA CLAUSTER" маъсулияти чекланган жамияти хисобидан 379 447 659 сўм асосий қарз, 91.067.400 сўм пеня ундиришни сўраган.

Суд мажлиси куни ва жойи ҳақида лозим даражада ҳабардор қилинган давъвогар ва жавобгар вакиллари суд мажлисига узрли сабабларсиз келишмади.

Суд иш хужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Иш хужжатларидан кўринишича, даъвогарнинг даъво аризаси суднинг 2024 йил 26 апрелдаги ажрими билан иш юритишга қабул қилинган ва ишни кўриш 2024 йил 16 май куни соат 14:45 га Боғот туманлараро иқтисодий суди биносида кўриб чиқиш учун тайинланган.

Суднинг ажрими тарафларга 2024 йил 01 майдаги топширилганлиги маълум килинадиган буюртма хат билан юборилган ва алока хизматининг хабарномаси (почтовое уведовление)га кўра даъвогарга жорий йилнинг 05 май куни топширилган.

Ўзбекистон Республикаси Иқтисодий процессуал кодексининг (бундан буён матнда ИПК деб юритилади) 170-моддасига кўра, иш мухокамасининг вакти ва жойи тўгрисида тегишли тарзда хабардор килинган даъвогар суд мажлисига келмаса, даъвогарнинг ишни унинг йўклигида кўриш тўгрисидаги аризаси бўлган такдирда, низо унинг йўклигида хал килиниши мумкин.

ИПКнинг 107-моддаси 6-бандига кўра, даъвогар биринчи суд мажлисига келмаган ва ишни ўзининг иштирокисиз кўрилиши тўгрисида арз килмаган бўлса, суд даъвони кўрмасдан колдиради.

Бугунги суд мажлисига даъвогар вакили келмади ва иш хужжатларида даъвогарнинг ишни унинг иштирокисиз кўриш тўгрисидаги аризаси мавжуд эмас.

Шу сабабли суд, юқоридаги хуқуқ нормаларини қўллаган холда даъвогарнинг даъво талабини кўрмасдан қолдиришни лозим топади.

Ўзбекистон Республикасининг қонунлари ва бошқа норматив-хуқуқий ҳужжатлари Ўзбекистон Республикасининг Конституцияси асосида ва уни ижро этиш юзасидан қабул қилинади. Бирорта қонун ёки бошқа норматив-ҳуқуқий ҳужжат Конституциянинг принцип ва нормаларига зид бўлиши мумкин эмас.

Ўзбекистон Республикаси "Давлат божи тўгрисида"ги қонунининг 9-моддаси 1-қисм 18-бандига асосан Ўзбекистон фермер, деҳқон хўжаликлари ва томорқа ер эгалари кенгаши, Қорақалпоғистон Республикаси, вилоятлар ва туманлар фермер, деҳқон хўжаликлари ва томорқа ер эгалари кенгашлари — фермер, деҳқон хўжаликлари ва томорқа ер эгалари манфаатини кўзлаб иқтисодий судга аризалар берганлик учун давлат божи тўлашдан озод қилинган.

Қайд этилганларга кўра, суд даъвони кўрмасдан қолдиришни, даъвогар (томонидан тўланган почта харажати)ни даъвогарнинг зиммасида қолдиришни, даъвогар давлат божи тўлашдан озод этилганлиги боис ундан давлат божи ундирмасликни лозим топади.

Юқоридагиларга асосан, Ўзбекистон Республикаси Солиқ кодексининг 330-моддаси 12-банди, Ўзбекистон Республикаси Иқтисодий процессуал кодексининг 107-моддаси 6-банди, 170, 195 ва 196 -моддаларини қўллаб, суд

АЖРИМ КИЛДИ:

Хива туман фермер, деҳқон хужаликлари ва томорқа ер эгаллари Кенгаши даъвогар Хива туман "Хударган ота" фермер хужалиги манфаатида берган даъво аризаси курмасдан қолдирилсин.

Хива туман фермер, деҳқон хужаликлари ва томорқа ер эгаллари Кенгаши томонидан олдиндан тулаб чиқилган почта харажати уз зиммасига қолдирилсин

Ажрим нусхаси тарафларга юборилсин.

Мазкур ажримдан норози тараф бир ой муддат ичида апелляция тартибида шикоят қилиш (протест келтириш) мумкин.

Судья

А.Туракулов

